



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Broj: 11/07-14-38991-10/19
Datum: 06.01.2020.godine

U skladu s članom 69. stav (3) i članom 70. stav (4) Zakona o javnim nabavkama Bosne i Hercegovine („Sl. glasnik BiH“, broj: 39/14), a na preporuku Komisije za provođenje postupka javne nabavke koja je imenovana Rješenjem broj:11/07-14-38991-1/19 od 30.10.2019. godine u postupku javne nabavke Interaktivnih tabli za javne srednje škole na području Kantona Sarajevo, putem otvorenog postupka, ministrica donosi:

ODLUKU
o otkazivanju postupka javne nabavke

Član 1.

Otkazuje se potupak javne nabavke Interaktivnih tabli za potrebe javnih srednji škola na području Kantona Sarajevo koji je pokrenut Odlukom o pokretanju postupka javne nabavke broj:11/07-14-38991/19 od 30.10.2019. godine. Obavještenje o nabavci je objavljeno na portalu javnih nabavki 08.11.2019. godine, pod brojem: 5774-1-1-10-3-9/19.

Član 2.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. Zakona o javnim nabavkama BiH.

Član 3.

Ova Odluka objavit će se na web stranici ugovornog organa [www.http://mon.ks.gov.ba](http://mon.ks.gov.ba) istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke Interaktivnih tabli za javne srednje škole na području Kantona Sarajevo broj:11/07-14-38991/19 od 30.10.2019. godine, putem otvorenog postupka. Zahtjev za pokretanje postupka javne nabavke na osnovu člana 13. Pravilnika o internim procedurama nabavke roba, radova i usluga dostavljen je 24.10.2019. godine. Procjenjena vrijednost javne nabavke je do 170.900,00 KM bez PDV-a.



Obavještenje o nabavci je objavljeno na portalu javnih nabavki 08.11.2019. godine u 09:31 sati, pod brojem: 5774-1-1-10-3-9/19. Tenderska dokumentacija je postavljena na portalu Agencije javnih nabavki i svaki zainteresirani ponuđač je bio u mogućnosti da preuzme istu. Rok za dostavu ponuda bio je 06.12.2019. godine do 10:00 sati.

U predviđenom roku i uredno zatvorenoj koverti, dostavljene su 3 (tri) ponude od sljedećih ponuđača: R&S d.o.o Sarajevo, KAMER COMMERCE d.o.o. Sarajevo, IMTEC d.o.o Sarajevo.

Dana 06.12.2019. godine na protokol Ministarstva zaprimljen je Zahtjev Agencije za javne nabavke za praćenje postupka javne nabavke Interaktivnih tabli za javne srednje škole na području Kantona Sarajevo, broj:04-02-2-3245-2/19 od 02.12.2019. godine.

Dana 13.12.2019. godine Ministarstvo za obrazovanje, nauku i mlade Kantona Sarajevo je poslalo Agenciji za javne nabavke Izjašnjenje na predmetni postupak nabavke "Nabavka interaktivnih tabli za javne škole na području Kantona Sarajevo" broj:11/07-14-42825-1/19 od 13.12.2019. godine.

Ministarstvo za obrazovanje, nauku i mlade Kantona Sarajevo je aktom broj:11-07-14-38891-5/19 od 10.12.2019. godine tražilo od ponuđača da "obezbijede uzorak ugovornom organu na uvid u roku ne dužem od 5 dana nakon otvaranja tendera" na osnovu Tehničke specifikacije uz Prilog 2. tenderske dokumentacije, jer je postojala sumnja da li Interaktivne table koje su tražene tehničkom specifikacijom odgovaraju onima koje su ponuđači ponudili. Radi se o Interaktivnim tablama koje će se koristiti za edukaciju učenika u javnim srednjim školama na području Kantona Sarajevo, a u svrhu digitalizacije procesa edukacije u Kantonu Sarajevo. Iz navedenih razloga bilo je potrebno izvršiti uvid da li Interaktivne table odgovaraju traženim.

Prema zapisnicima o izvršenim obilascima broj:11-07-14-38991-7/19, broj:11-07-14-38991-8/19 , broj:11-07-14-38991-8/19 od 12.12.2019. godine utvrđeno je da ponudene Interaktivne table odgovaraju traženim u Tehničkoj specifikaciji uz Prilog 2.

Na održanoj „e-aukciji“ ponuđači nisu koristili mogućnost podnošenja novih cijena izmjenjenih naniže, te nije došlo do umanjenja početnih cijena. „E-aukcija“ je završena dana 18.12.2019. godine u 13:40 sati, što je potvrđeno u Izvještaju o toku i završetku „e-aukcije“.

Cijeneći činjenično stanje, odredbe člana 98. Zakona o javnim nabavkama BiH da ugovorni organ ne može potpisati ugovor o javnoj nabavci u roku od 15 dana od dana kada su ponuđači obavješteni o izboru najpovoljnijeg ponuđača, da je bilo potrebno izvršiti uvid u uzorke ponuđenih Interaktivnih tabli iz već navedenih razloga, te postupiti po zahtjevu Agencije za javne nabavke za praćenje postupka javne nabavke, što je odložilo zakazivanje "E-aukcije" koja je završena dana 18.12.2019. godine, javna nabavka se nije mogla realizovati do 31.12.2019. godine zbog završetka budžetske godine i nepostojanja mogućnosti rezervacije sredstava u Budžetu za 2020. godinu. Ministarstvo za obrazovanje, nauku i mlade Kantona Sarajevo može odobrena sredstva koristiti samo za namjene koje su utvrđene Budžetom. Rashodi i izdaci svakog budžetskog korisnika ne mogu prelaziti iznose alociranih budžetskih sredstava odobrenih za svaki mjesec iii drugi vremenski period koje je



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



utvrdilo Ministarstvo finansija. Sredstva budžetskog korisnika moraju se utrošiti do kraja budžetske godine, a neutrošeni dio sredstava ne može se rezervisati niti prenositi u narednu budžetsku godinu.

Iz navedenih razloga, primjenom člana 69. stav (3) i člana 70. stav (4) Zakona, odlučeno je kao u dispozitivu.

POUKA O PRAVNOM LIJEKU

Protiv ove Odluke može se podnijeti žalba Uredu za razmatranje žalbi Bosne i Hercegovine, putem ugovornog organa u roku od deset (10) dana od dana prijema ove Odluke.



DOSTAVITI:

1. R&S d.o.o. Sarajevo,
2. Kamer komerc d.o.o. Sarajevo,
3. Imtec d.o.o. Sarajevo,
4. Ministarstvo za obrazovanje, nauku i mlade KS,
5. a/a.



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

